



## 體恤外鄉人

火車官來，月臺項等車个人客也無多，細阿妹凳項坐緊等車枋，從頭到尾目珠訂砵在手機項，看到無瞞目，三不二時還掙下碾落來个目汁。脣口企个僱試著怪奇，偷偷睺下厥手機，係細人个影片，手機肚个細人活潑、無一時恬，正在學行个佢，還毋知頭天，腳尾蹬緊從過來走過去，毋係路路跌斯係撞著桌、拓著壁，大人咁細人噉，手機這頭無結無煞掙目汁个，應該係這細人个阿姆，看厥形投同工廠肚个外籍工人、仲介紹介來个外國看護共樣，係離鄉个艱苦人，心頭肉看得著惜毋著，係仰脣樣个心情，無經過个人哪會知得？

經濟部管轄个臺中市潭子加工區，占地闊、廠商多間，在這絡食个工人也毋會少，上下班時間，像蟻公樣个人潮塞湊正門同側門。本國、外籍勞工大約一半一半。對交通工具來看已好分，臺灣人大體駛車無斯騎歐多拜，外籍勞工斯大勢用行、騎鐵馬，較高級个斯騎鬥電个自行車。辛苦一日過後，有屋家个轉屋家，無屋家个轉宿舍，故鄉在遠遠个海該片，心肝肚掛吊核个親人俚身毋著，長纜纜个下班時間，愛仰脣排解這思念个情懷？好得今這下手機恁利便，毋單淨聽得著聲，還使得開視訊看著對方个人，有總比無較贏！斯恁泥這手機傳過來个燒暖嘅變做厥等唯一个寄託，怪得這兜外鄉人除撇上班時間，手機總係縷縷搭在巴掌肚。

寮日，總係歡喜个，共信仰个人會去教堂做禮拜，禮拜堂尖毋落咧斯尖到廊下來，該場面、該無共膚色个一陣人，初下碼看著會分人著驚，恁著有麼个抗爭活動，壁項个聖母瑪利亞笑微微，像在笑恁人个偏見，係啊，共樣係人，仰使得因致人種斯認定官發生个事情！綠色步道係潭子運動个所在之一，行路、慢走、騎鐵馬……逐日都恁多人，進前厥等騎鐵馬用雙腳踏，毋知對哪時起勢，鬥電落去咧，颯還較遽，俚講：「升級哩啲，鬥電个後背做下載有細阿妹。」確實係恁泥，也已好哪！毋過這恁久毋知麼个原因，禁止電動自行車騎上步道咧，路脣个告示牌用中文、英文、菲律賓文、印尼文、越南文明白標示，到今僱正知，同僱戴共所在个人斯有恁多種。騎車除外，厥等交流感情个方式也已多，草坪、涼亭、大樹下……，輒輒看得著厥等个身影，兩、三個人，抑係較多个一陣、一搭，放勢打嘴鼓、大聲唱厥等个歌、儘採所在斯打鬥敘，人文、習慣無相同，雖然吵人，毋過歡樂个氣氛、和諧个畫面會遷人，行過个人，毋多知心情也會跔緊樂暢起來！

世界係一個地球村，大家相幫相掙係已自然个事情，今晡日外鄉人來恁這絡食，有可能天光日恁斯愛去他鄉食頭路，多一份體恤、加一層包容，將心比心，欣賞厥等个無相同个民族性、尊重厥等个文化，曉得恁泥想，面對厥等該下，若笑容斯會增加，同時你會發覺若心也開闊咧！

作者：劉玉蕉

### ☆詞彙學習☆

【訂砵】den+ kid`：杵在那不做移動。

【掙下】boi+ ha`：輕輕拂拭。

【腳尾】giog` mui`：腳跟。

【從】zong`：衝。

【形投】hin` dau`：樣子、樣貌。

【尖毋落】ziam+ m` log`：擠不進去。

【認定】ngin` tin`：篤定確信。

【遷人】che` ngin`：傳染他人。

【相幫相掙】siong+ bong+ siong+ ten`：互助合作。